

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli -Timor Leste / Mobile Phone +670 78624544 / forumong.tl@gmail.com / <https://fongtil.org/tl/>

KARTA KOMUNIKADA

Husi perspetiva FONGTIL nian kona-ba kriminalizasaun ba defamasaun no injúria hamate liberdade espresaun ne'ebé garante iha Konstituisaun RDTL. FONGTIL ho Membru sira hotu rejeita total ba Alterasaun ba Kodigu Penal hodi Kriminaliza Difamasaun no Injuria bele fó afeta direta ba Liberdade Espresaun ne'ebé mak Garantia iha Konstituisaun RDTL Artigu 40 no 41.

FONGTIL ho Nia Membru sira hotu, halo Litura ba Draf aditamentu ba Kódigu Penal, ne'e Parlamentu Nasional halo iha Artigu sira hanesan: Artigu 187.º-A , Artigu 187.º-B , Artigu 187.º-C, Artigu 187.º-D, halo aditamentu ba Artigu sira Mensiona iha Leten ne'e hamate ona Diretu, Liberdade no Granti ida-idak nian.

Ho nune'e FONGTIL ho nia Membru sira hotu husu ba Parlamentu Nasionál no Governu atu mantein matéria kona-ba difamasaun no injúria iha âmbito Kódigu Sivil, ne'ebé natureza vinkulativa. FONGTIL konsidera katak mekanizmu sivil sira suficiente atu proteje direitu ba onra no reputasaun, enkuantu evita risku limitasaun ba liberdade espresaun no liberdade imprensa ne'ebé garante iha Konstituisaun RDTL.

FONGTIL mos hare katak Proposta Lei ne'ebe introdús rejime kompletu ida relasiona ho krime sira hasoru onra no, ho "estratéjia" hatama proposta sira ba krime difamasaun hamutuk ho proposta relasiona ho krime violénsia seksuál nian, nu'udar krime sira ne'ebé iha duni nesiedade atu haree tanba sira-nia gravidade, hodi halo proposta lei ne'e sai susar liu atu kontra. Maibé sociedade sivil prontu atu hato'o ninia opiniaun spesífiku ba asuntu oinoin iha proposta ne'e, mezmua sira la relasiona ba-malu.

Iha área liberdade espresaun no difamasaun, sei kriminaliza, entre sira seluk:

1. Difamasaun (Artigu 187-A): ema ne'ebé, iha parte seluk nia oin, hatudu ba ema ida faktu ka julgamentu ofensivu ida — maski hanesan alegasaun de'it — ne'ebé prejudika ema-nia onra, naran di'ak ka reputasaun sei hasoru pena prizaun tinan 1 to'o 3 tolu ka multa. Ema ne'ebé mak reproduz de'it ka fahe fali deklarasaun difamatória mós hetan kastigu. Pena sa'e ba tinan 2 to'o 5 bainhira deklarasaun ne'e espalla liuhosi média ka meu eletróniku ne'ebé asesivel ba públiku, bainhira ema deklara hatene katak faktu falsu, ka bainhira nia hatudu faktu ida ne'ebé relasiona ho krime.

2. Injúria (Artigu 187-B): liafuan ofensivu sira ne'ebé dirije direktamente ba ema ida bele hetan kastigu prizaun to'o tinan 2, aumenta ba tinan 4 bainhira divulga barak liuhosi mília ka rede eletróniku sira.
3. Ofensa ba ema kolektivu (Artigu 187-D): espalla faktu sira ne'ebé bele estraga kredibilidade, prestíjiu ka konfiansa hosi instituisaun ka empreza ida lori kastigu prizaun tinan 1 to'o tinan 2 ka multa - haluan direitu ba onra no dignidade, ne'ebé pertense de'it ba ema, ba empreza no instituisaun pública sira.
4. Ofensa ba memória ema mate nian (Artigu 187C): rejime ne'e habelar atu proteje onra hosi ema ne'ebé mate ona. Krime ne'e aplika ba ema ne'ebé mate ona to'o tinan 50 liubá no sira nia família mak iha direitu atu halo akuzasaun formál.

FONGTIL husu ba Parlamentu Nasionál no Governu atu labele kriminaliza difamasaun no injúria, maibé nafatin trata matéria hirak-ne'e iha Kódigu Sivíl, tanba mekanizmu sivíl konsidera suficiente atu proteje onra no reputasaun ema nian, ho respeito ba liberdade espresaun ne'ebé garante husi Konstituisaun.

Ami nia Respeitu

Dr. Inocencio de Jesus Xavier
Diretor Ezekutivu FONGTIL